

禮

記

疑

義

禮記疑義卷三十四 大傳第一

鄭氏註

孔穎達疏

吳廷華存疑

大傳第十六

疏案鄭目錄云名曰大傳者以其此記祖宗人觀之大義此於列錄屬通

論

禮不王不禘王者禘其祖之所自出以其祖配之諸侯及其太祖大夫士有天事省於其君干祿及其高祖

訂義註太祖受封君也大事冠戎之事也疏此一節論王及諸侯大夫士祭先祖之義諸侯及其太祖者諸侯非王不得郊天配祖於廟及祭

大傳

太祖大夫士有大事省於其君于祫及其高祖
者石林葉氏曰大事大功也省察也于上達也
古者諸侯有祫而無禘大夫有時祭而無祫禘
天子之事也祫諸侯之事也大夫既不得祫然
有大功見察于天子則視諸侯上達而祫其毀

主案葉又由大推之諸侯謂陳氏集說曰于
有功亦得禘此未的刪之

者以下于上之義延華案于求也謂大夫士有
功而君察之可以于求祫祭也

疑義註凡大祭曰禘自由也大祭其先祖所由
生謂郊祀天也王者之先祖皆感大微五帝之

精以生蒼則靈威仰赤則赤堞怒黃則含樞紐
白則白招拒黑則汁光紀皆用正歲之正月郊
祭之蓋特尊焉孝經曰郊祀后稷以配天配靈
威仰也宗祀文王于明堂以配上帝沆配五帝
也善于其君謂免于大難也省善也疏有見
干猶空也空恰謂無廟恰祭之于壇疏釋天
云禘大祭也此禘謂祭天云王者之先祖皆感
大微五帝之精以生者樂師說引河圖云慶都
感赤龍而生堯又曰堯赤精舜黃帝白湯黑文
王蒼帝又元命包云夏白帝之精而子周
蒼帝則靈威仰至汁光紀者春秋緯文耀鉤文
云皆用正歲之正月郊祭之者案易緯乾鑿度
云三王之郊一用夏正云蓋特尊焉者就五帝
二

之配中特祭所以感生之帝是特尊焉註引孝經云
郊祀之後又引以配天者證禘其祖之所自出以其
祖配之不特配感生之帝王于明堂以配上帝許其
文王至于高祖但無始祖廟配五帝矣君許其證
高祖祭並在于壇大壇三廟二壇題云無廟雖是無
也祭法云大壇四廟而祭之今惟云及高祖是為不
而始祖以卑故也然此對諸侯為言王制云為
大大士廟一耳若遺為大夫亦有大祖而三王制云
大夫三廟一始祖者鬼其百世若有善于君得
說云大夫廟一始祖者鬼其百世若有善于君得
裕則亦裕于太祖以下也疏此禘謂郊祭天也然郊
中偏裕太祖以下也疏此禘謂郊祭天也然郊
天之祭惟王者得行故云不王不禘也王者禘
其祖之所自出以其祖配之者此文具于小記
于彼已釋之大夫士知識者于諸侯故無始封

之祖

楚華案祀天諸說小記案詳之其大夫士以有
功得賜祫祭當末季之事古未聞也大難說不
免矜張且大夫本有廟何至祫祭于壇註訓干
為空非也又王制大夫有太祖廟則此記所謂
高祖即太祖耳疏乃以遠庶為祀太祖與祀高
祖別臆說支離乃至于此

牧之野武王之大事也既事而退柴於上帝祈於社
設奠於牧室遂率天下諸侯執豆蓬蓬奔走追王太
王亶父王季歷文王昌不以卑臨尊也

遠詩作駿

訂義註柴祈奠告天地及先祖也牧室牧野之
室也古者郊闕皆有館焉先祖者行主也遂疾
也疾奔走言勸事也周頌曰遂奔走在廟郊闕知
有館者道人云凡國野十里廬二十里有宿五
十里者證牧野有室云尚然明郊闕亦有館舍鄭言此
篇云古者師行必以遷廟主行主也故甘誓云用命
賞于祖此武王所載文王之主業者故不載遷廟主
文則在野外祭之故不在牧室此社是土地之
社故鄭云祭祈告天也周頌所謂王伐對而遷攝
政之年祭清廟此經達奔走謂武王伐紂而遷攝
告廟其事不同引之者證奔走不異故引之知
執豆蓬遵行還告廟者是以此經上云柴祈故丁未
云遂率天下諸侯執豆蓬而皇氏云為祭祈丁未
祀于周廟駿奔走執豆蓬非此經文之次又與
于牧室之時諸侯執豆蓬非此經文之次又與

武成異異疏此一節論武王伐紂率領諸侯以
義非也 祭進王大王王季上尊祖禰之事與前相接也
牧之野武王之大事也者言牧野之戰是武王
事之大者也既事而退者既戰罷而退也柴于
上帝者謂燔柴以告天祈于社者陳祭以告社
也設奠于牧室者設此奠祭於牧野之館室以
告行主也遂率天下諸侯者上言告祭既訖遂
率領天下諸侯執豆蓬疾奔走而祭先祖於此
之時乃進王大王名亶父者又進王王季歷及
文王昌等為王姚氏降牧曰柴於上帝以下皆

為追王而設若曰此皇天后土之所睨天下人

心所共與即稱天以溢之意也

疑義註追王者不用諸侯之號臨天子也文王

稱王早矣于殷備為諸侯于是著焉王疏按此武

王賈父王季歷文王昌合稱后云文王立后稷

配天追王太王王季武王時乃之同者文王

暫追王耳號謚木定至武王時乃之同者文王

云周公追王大王季武王時乃之同者文王

改葬文王追先王禮葬故也此太王王季追

王者天子而不由先王禮葬故也此太王王季追
為天子而不由先王禮葬故也此太王王季追
諸侯其尸服以父為士服是也周語云先王不
成云先王尸服以父為士服是也周語云先王不
文王之先祖王早矣通稱先王無二王殷紂尚存
即為早矣

所以早稱王者案中國臣下難于時為早于年為
國下註云一民心固王受命六年立靈堂布王
晚矣故周本記云文王故文王世于云居王其
號于時稱王九十六也故文王生難稱疏此率
後撫諸是也文王既稱王文王乃定之耳疏此率
王號稱有木定故武王進王乃定之耳疏此率
諸侯往祖廟祭先祖所以然者不以諸侯之卑
號臨天子之尊也

廷華案追王者所謂王迹所由興蓋報本之義也
記止以卑臨尊言其說已疏至文王受命稱王
本緯書荒誕說周禮註疏屢引之彼經諸案辨
之已詳此註既云文王早稱王又曰猶為殷侯
夫離矛盾其舛尤甚疏引合符后說并追王事

亦歸之文王并以中庸追王為改葬可謂無忌
憚矣

上治祖禰尊尊也下治子孫親親也旁治昆弟合族
以食序以昭繆別之以禮義人道竭矣

訂義註治猶正也竭盡也疏此一節論武王伐
紂之後因治親屬合族之禮叙昭穆之事上治
祖禰尊尊也者上正治祖是尊其尊也下治子
孫親親也者下正於子孫是親其親也上主尊
敬故云尊尊下主恩愛故云親親旁治昆弟者
謂旁正昆弟逾遠疏也合族以食者言旁治昆

弟之時合會族人以食之禮又序次族人以昭
穆之事所謂旁治昆弟也別之以禮義人道竭
矣者總結上治祖禰下治子孫旁治昆弟言此
三事皆分別之以禮義使人義之道理竭盡于
此矣

聖人南面而聽天下所且先者五民不與焉一曰治
親二曰報功三曰舉賢四曰使能五曰存愛五者一
得於天下民無不足無不瞻者五者一物純繆民莫
得其死聖人南面而治天下必自人道始矣

訂義註且先言未遑餘事功功臣也存察也物

猶事也。紕繆猶錯也。三事得則民足，一事失則民不得其死。明政之難，人道謂五事。疏此一節。廣明聖人受命以臨天下，有不可變革及有可變革之事。云所且先者，五謂聖人即位未遑餘事所且欲先行者，有五種之事也。即下文一曰治親之屬是也。一曰治親者，此治親即鄉者三事三事若正則于家國皆正，故急在前二曰報功者，既已正親，故下又報有功勞者，使為諸侯之屬是也。緩于親，故次治親。三曰舉賢者，雖已報有功，若巖穴有賢德之士，未有功者，舉而

用之報功宜急此又次也四曰使能者能謂有
道藝既無功德又非賢能而有道藝亦祿之使
各當其職也輕于賢德故次之五曰存愛者存
察也愛仁也五者一得于天下者謂工事一皆
得行于天下則民無有不足無有不調瞻者瞻
是優足之餘也五者一物紕繆者謂此五事之
中但有一事紕繆則民莫得其死莫無也言無
得以壽終而死也聖人南面而治天下必自人
道始矣者人道即治親報功舉賢使能存愛是
以理相承順之道聖人先以此為始故云必自

人道始也陳氏集說曰民不與謂未及治民也

存察也人恒于親愛而辟察之則四者皆公矣

集說補正曰存存仁愛之心也

案二說俱合並存之

疑義註存愛察有仁愛也

疏察民下側陋之中有雖非賢能而有仁

愛之心亦實異之

疏民不與者言皆王者所急行民不

得于與以治親報功非民所行也

廷華案據註疏則存愛與舉賢使能復且仁愛

之士不當第實異之已也其說未的民不與自

當以陳氏集說為是蓋治民之道不在五者中

所以親五者之當先也疏說與且先意無涉且

治亦民所得為耳

立權度量者文章改正朔易服色殊徽號異器械別衣服此其所得與民變革者也其不可得變革者則有矣親親也尊尊也長長也男女有別此其不可得與民變革者也

訂義註權稱錘也度量尺也量斗斛也文章禮法也服色車馬也徽號旌旗之名也器械禮樂之器及兵甲也衣服吉凶之制也親親以下四者人道之常疏禮法謂夏殷周損益之禮是也云服色車馬也者謂周禮九旂是也然九旂白周尚赤中名也與馬各用從所尚之正色也云徽號旌旗之名也者謂周禮九旂是也然九旂

之外又有小旌旂故司常云官府各象其疏立
市州里各象其名家各象其號與此同也疏立
權度量者此一經至于民變革者也廣明損益
之事並輕故可與民變改革也權謂稱錘度量謂
丈尺量謂斗斛也言始有天下必宜造此物也
考文章者考校也文章國之禮法也改正朔者
正謂年始朔謂月初言王者得政示從戎始改
周子殷丑夏寅是改正也周夜半殷雞鳴夏平
旦是易朔也易服色者服色車馬也易之謂各
隨所尚赤白黑也殊徽號者殊別也徽號旌旂
也周大赤殷大白夏大麾各有別也異器械者

器謂帽豆房俎禮樂之器也械謂戎路革路兵
甲之屬也別衣服者周吉服九章虞以十二章
殷凶不厭賤周貴則降卑也此其所得與民變
革者也結推度量以下諸事是末故可變革與
民為新亦示禮從我始也

疑義疏鄭引士喪禮云為銘名以其物亡則以
緇長半幅額木長終幅廣二寸是徽號與此同
矣

廷華樂士喪禮明言銘是銘旌烏得舉以為徽
識之証

同姓從宗合族屬異姓主名治際會名著而男女有別

訂義註合合之宗子之家序昭穆也異姓謂來嫁者也主于母與婦之名耳際會昏禮交接之會也著明也母婦之名不明則人倫亂也亂者若衛宣公楚平王為子取而自納焉疏案春秋十六年年初衛宣公烝于夷姜生急子娶于齊而美公取之生壽及朔又昭十九年左氏傳楚平王娶陽封人之女奔之生太子建為太子建疏取秦女而美平王自納之是其淫亂之事也疏此一節論同姓從宗異姓主名明男女有別之事同姓從宗者同姓父族也從宗謂從大小宗

也合族屬者謂合聚族人親疏使昭為一行穆
為一行同時食故曰合族屬也異姓主名治際
會者異姓謂他姓之女來為己姓之妻繫夫之
親主為母婦之名夫若為父行則主母名夫若
子行則主婦名治正也際會所以主此母婦之
名正昏姻交接會合之事名著而男女有別者
若母婦之名著則男女尊卑異等各有分別不
相淫亂凡姓族異者所以別異人也猶萬物皆
各有名以相分別天子賜姓賜氏諸侯但賜氏
不得賜姓降于天子也故隱八年左傳云無駭

卒公問族于衆仲衆仲對曰天子建德因生以賜姓胙之土而命之氏諸侯以字為諡因以為族官有世功則有官族邑亦如之以此言之天子因諸侯先祖所生賜之曰姓杜預云若舜生姚洵賜姓曰姚封舜之後于陳以所封之土命為氏舜後姓姚而氏曰陳故鄭駁異義云炎帝姓姜太皞之所賜也黃帝姓姬炎帝之所賜也故堯賜伯夷姓曰姜賜禹姓曰姁賜契姓曰子賜稷姓曰姬著在書傳如鄭此言是天子賜姓也諸侯賜卿大夫以氏若同姓公之子曰公子

公子之子曰公孫公孫之子其親已遠不得上連于公故以王父字為氏若適夫人之子則以五十字伯仲為氏若魯之仲孫季孫是也若庶子妾子則以二十字為氏則展氏臧氏是也若異姓則以父祖官及所食之邑為氏以官為氏者則司馬司城是也以邑為氏者若韓趙魏是也凡賜氏族者此為卿乃賜有大功德者生賜以族若叔孫得臣是也雖公子之身若有大功德則以公子之字賜以為族若仲遂是也其無功德死後乃賜族若無駭是也若子孫為卿其

君不賜族子孫自以王父字為族也氏族對文
為別散則通也故左傳云問族子衆仲下云公
命以字為展氏是也其姓與氏散亦得通故春
秋有姜氏子氏姜子皆姓而云氏是也

其大屬乎父道者妻皆母道也其大屬乎子道者妻
皆婦道也謂弟之妻婦者是嫂亦可謂之母乎名者
人治之大者也可無慎乎

訂義註言母婦無貽穆于此統于夫耳母馬則
尊之婦焉則卑之尊之卑之明非已倫以厚別
也亦可謂之母乎言不可也謂之婦與嫂者以

其在已之列以名遠之耳復謂嫂為母則令昭穆不明昆弟之妻夫之昆弟不相為服不成其

親也男女無親則遠于相見慎者人治所以正

人姓之母婦無昭穆于此者此謂已之族也言也

族云統有母夫耳者言所以有母無昭穆于已之親

于夫始有母婦之者言所以有母無昭穆于已之親

以厚別也者謂之尊卑慈母者則尊卑之謂之倫位所

者即卑遠之既尊卑慈母者則尊卑之謂之倫位所

以厚重相分則尊卑慈母者則尊卑之謂之倫位所

相聚既淫亂易生為無相分則尊卑慈母者則尊卑之謂之倫位所

嫂不為母也云謂之婦與嫂者以言不可者謂之兄之妻

列以名遠之耳者謂之婦與嫂者以言不可者謂之兄之妻

妻在已之妻之利謂子婦之妻在已之妻之利謂子婦之妻

實故弟之妻假以謂子婦之妻在已之妻之利謂子婦之妻

殊遠之也云復謂子婦之妻在已之妻之利謂子婦之妻

以子妻之名弟妻為婦若又昭穆父之妻名既

名兄妻為母則上下全亂昭穆不明故不可也
鄭注喪服亦云弟之妻亦可謂之嫂者卑不達之故謂之
婦嫂者尊嚴之是嫂亦不可謂之嫂者卑不達之故謂之
也故言乎以此疑之是嫂亦不可謂之嫂者卑不達之故謂之
借母名與此注正合無相違也而皇氏引諸儒
異同煩而不當無所用也云昆弟之妻已之尊卑隔絕
弟不相為服義無混雜此兄弟之妻已之尊卑隔絕
相服成親義無混雜此兄弟之妻已之尊卑隔絕
其成親為服則數相親此兄弟之妻已之尊卑隔絕
服所以疏遠之云男女無親則遠于相見者以
其全同路人思親不疏此言他姓婦人來嫁已
接故云達于相見不疏此言他姓婦人來嫁已
族本無昭穆於已親惟繫夫尊卑而定母婦之
號也其夫屬乎父道者道由行列也若其夫隨
屬于已之父行者其妻皆即已之母行也故云
妻皆母道也其夫屬乎子道者妻皆婦道也者

謂其夫隨属于己之子行者其妻皆婦行也故婦人來嫁已伯叔之列即謂之為母也來嫁于己之子姪之行即謂之為婦也謂弟之妻以下論兄弟之妻相稱謂之義凡子行之妻乃謂之為婦弟非子行其妻亦謂之婦者以兄弟同倫姪相襲濟弟雖非子行其妻同子行之妻謂之為婦欲卑遠之弟妻既得為婦號記者恐兄妻得為母號故記者明之云是嫂亦可謂之母乎言嫂不可亦謂之為母也然弟妻既得為婦兄妻不可得為母者弟小于己妻必幼稚故可謂

之為婦而嫂不可借子妻之名謂之為母嫂雖
是兄妻年必與己相類既不甚懸絕何得謂之
為母且弟妻既為婦兄妻又為母便是昆弟之
倫翻為父子之例故嫂謂之不可為母而借嫂
老之名以為兄妻之號也名謂母婦之名言得
之則昭穆明失之則上下亂是人治之大者也
可得不慎之乎言須慎名也

四世而總服之窮也五世袒免殺同姓也六世親屬
竭矣其庶姓別于上而戚單於下昏姻可以通乎繫
之以姓而弗別綴之以食而弗殊雖百世而昏姻不

通者周道然也

訂義註四世共高祖三世高祖昆弟六世以外
親盡無屬名昏姻可通乎問之也元孫之子姓
別于高祖五世而無服姓世所由生周道然者
謂周之禮所建者長也姓正姓也始祖為正姓
高祖為底姓繫之弗別謂若今宗室屬籍也周
禮小史掌定繫世辨昭穆疏問之者是記者以
昏姻可以通否元孫之子姓別于高祖者元孫
與高祖兄弟承高祖其父之後至已五世而無
則四從兄弟承高祖其父之後至已五世而無
各事小宗因字因官為氏不同高祖之父是底
姓別于上底姓眾姓氏不謂也云姓世所由
生者據五世無服不相稟承各為氏姓故云姓

世所由生而答問文記者以殷婚法而問周此經記者
以周法而別者周法難廢姓別于上而世繫之者
繫之以弗本姓而食弗別若姬氏姜氏大宗百世連
不改也綴之異也難百世婚姻不通者言雖相食
之禮而綴殊異不得通世婚姻不通者言雖相食
去百世而婚媾不許問者之辭也姓正言周道如
此異于殷姓也云始祖黃帝正姓齊姓者若炎帝姜
氏族為正姓也云始祖黃帝正姓齊姓者若炎帝姜
宋姓子本于周姓姬本于黃帝正姓齊姓者若炎帝姜
姓者魯之三桓慶父叔牙季友之及鄭之庶
七穆子游子國之漢世掌定昭穆故云之繫世辨
宗室屬籍也者以漢世掌定昭穆故云之繫世辨
之以姓是也云小史掌世代之昭穆故云之繫世辨
官掌定帝繫世本知世昭穆故云之繫世辨
也昭穆疏此一節論殷周統叙宗族之異四世而
總服之窮也者四世謂上至高祖以下至己元

弟同承高祖之後為兄弟相報總麻是服盡于此故總麻服窮是四世也為親兄弟期一從兄弟大功再從兄弟小功三從兄弟總麻共承高祖為四世而總服盡也五世袒免殺同姓也者謂共承高祖之父者也言服袒免而無正服減殺同姓也六世親屬竭矣者謂共承高祖之祖者也言不袒免同姓而已故云親屬竭矣其庶姓別于上者此作記之人以庶人五世以後可以通婚故將殷法以問于周云周家五世以後庶姓別異于上與高祖不同各為氏族不共高

祖別自為宗是別于上也而戚單于下者戚親也單盡也謂四從兄弟恩親盡于下各自為宗不相尊敬庶衆也高祖以外人轉廣遠分姓衆多故曰庶姓也高祖以上復為五宗也婚姻可以通乎者問者既見姓別親盡雖是周家婚姻無可以通乎問其可通與否

服術有六一曰親親二曰尊尊三曰名四曰出入五曰長幼六曰從服

訂義註稱猶道也親親父母為首尊尊君為首名世母叔母之屬也出入女子子嫁者及在室

者長幼成人及殤也從服若夫為妻之父母妻
為夫之黨服疏案從服有六畧舉疏此經明服
夫妻相為而言之也術之制也一曰親親者父母為首次以妻子伯
叔二曰尊尊者君為首次以公卿大夫三曰名
者若伯叔母及子婦并弟婦兄嫂之屬也四曰
出入者若女子子在室為入適人為出及繼為
人後者也五曰長幼者長謂成人幼謂諸殤六
曰從服者即下從服有六等是也
從服有六有屬從有徒從有從有服而無服有從無
服而有服有從重而輕有從輕而重

訂義註屬從子為母之黨徒從臣為君之黨從有服而無服公子為其妻之父母從無服而有服公子之妻為公子之外兄弟從重而輕夫為妻之父母從輕而重公子之妻為其皇姑疏從服有六者從術之中別有六種有從屬一也屬謂屬以其親屬為其支黨鄭云子為母之黨是也鄭舉一條耳妻從大夫從妻並是也有徒從二也徒空也與彼無親空服彼之支黨鄭云臣為君之黨鄭亦略舉一條妻為夫之君妻為女君之黨庶子為君母之親子為母之君母並是

也有從有服而無服三也鄭引服問篇云公子
為其妻之父母其妻為本生父母期而公子為
君所厭不得服從是妻有服而公子無服是從
有服而無服嫂叔無服亦是也有從無服而有
服四也鄭亦引服問篇云公子之妻為公子之
外兄弟也公子彼君厭為已外親無服而妻猶
服之是從無服而有服姊姒亦是也有從重而
輕五也鄭引服問篇云夫為妻之父母妻自為
其父母期為重夫從妻服之三月為輕是從重
而輕也男之子亦是也有從輕而重六也鄭引

服問云公子之妻為其皇姑公子為君所厭自
為其母練冠是輕其妻猶為服期是從輕而重
也廷華案出入或又謂未嫁不可言入此當指
被出而歸者言是也並存之

自仁率親等而上之至於祖名曰輕自義率祖順而
下之至於禰名曰重一輕一重其義然也

訂義註自猶用率循也恩則父母重而祖輕
用義則祖重而父母輕恩重者為之三年義重
者為之齊衰然如是也疏此一節論祖禰仁義
之事也仁恩也親謂父母也等差也子孫若用

恩愛依循于親節級而上至于祖遠者恩愛漸
輕故云名曰輕也自義率祖順而下之至于禰
名曰重者義主斷割用義循祖順而下之至于
禰其義漸輕祖則義重故云名曰重也一輕一
重其義然也者言恩之與義于祖與父母互有
輕重也若義則祖重而父母輕若仁則父母重
而祖輕一輕一重義宜也然者言人情道理宜
合如是祖是尊嚴以上漸宜合重父為恩愛漸
近宜合重故云其義然也故鄭云思重者為之
三年義重者為之齊衰言其事合宜如此矣案

喪服條例哀服表恩若高曾之服本應總麻小
功而進以齊衰踰數等之服豈非為尊重而然
也

疑義疏至親以期斷而父母加三年寧不為恩
深故亦然矣

廷華案至親之服當由父母三年推恩至于期
功總重輕之序如此自四制以三年為期服之
加蓋為短喪者地耳此疏亦即其說也是不可

訓喪服案
言詳之

君有合族之道族人不得以其戚戚君位也

訂義註君恩可以下施而族人皆臣也不得以
父兄子弟之親自戚于君位謂齒列也所以尊
君別嫌也疏不敢計已親戚與君齒列是尊君
也兄弟親屬多有篡代之嫌令遠自
卑退是殊
別嫌疑也疏此一經明人君既尊族人不以戚
戚君明有絕宗之道也合族者言設族食燕飲
有合食族入之道既管領族人族人不得以其
戚屬上戚于君位皆不得以父兄子弟之親上
親君位也

庶子不祭明其宗也庶子不得為長子三年不繼祖
也

訂義註明猶尊也一統焉族人上不咸居下又
辟宗乃後能相序疏庶子不祭明其宗也者案
小記云庶子不祭祖下文云不祭禰此直云不
祭者嫡祖禰俱不祭但小記辨明上士下士故
有不祭祖不祭禰之文此則總而言之故直云
不祭庶子不得為長子三年不繼祖也者案小
記云庶子不為長子斬不繼祖與禰斬則三年
與此一也小記文詳故云不繼祖與禰此文簡
略故直云不繼祖也其義俱在小記已備釋之
別子為祖繼別為宗繼禰者為小宗有百世不遷之

宗有五世則遷之宗百世不遷者別子之後也宗其
繼別子之所自出者百世不遷者也宗其繼高祖者
五世則遷者也尊祖故敬宗敬宗尊祖之義也

訂義註別子謂公子繼別別子之世適也宗者
族人尊之謂之大宗是宗子也繼禰父之適也
遷猶變易也繼別子別子之世適也繼高祖者
亦小宗也先言繼禰者據別子子弟之子也以
高祖與禰皆有繼者則曾祖亦有也則小宗四
與大宗凡五為別子謂公子者諸侯適子繼世
侯之子故謂之別子也繼別子別子之世適也
者解經宗其繼別子之文以是別子適子適孫

疏上經論人君絕宗此一節論卿大夫以下繼
屬小宗大宗之義前既云明其宗故此以下廣
陳五宗義也別子謂諸侯之庶子也諸侯之道
子適孫繼世為君而第二子以下悉不得禰先
君故云別子並為其後世之始祖故云為祖也
繼別為宗謂別子之適子世繼別子為大宗也
族人與之為族絕者五世外皆為齊衰三月母
妻亦然繼禰者為小宗謂父之適子上繼于禰
諸兄弟宗之謂之小宗以本親之服服之有百
世不遷之宗此覆說大宗小宗之義并明敬宗

所以尊祖也云有百世不遷之宗者謂大宗也云有五世則遷之宗者謂小宗也云百世不遷者別子之後也宗其繼別子之所自出者百世不遷者也此覆明大宗子百世不遷之義也云宗其繼高祖者五世則遷者也此覆明小宗五世則遷之義云尊祖故敬宗敬宗尊祖之義也者此總結大宗小宗以大宗是遠祖之正體小宗是高祖之正體尊崇其祖故敬宗子所以敬宗子者尊崇先祖之義也

疑義註別子謂公子若始來在此國者後世以

為祖也疏云若始來在此國者此謂非君之親

子以其別于在本國不來者

廷華案別于是公子始來者則不適以別于宗法通之耳註以始來者混入別子中疏以其別于本國不來者故亦稱別子非牽合而何

有小宗而無大宗者有大宗而無小宗者有無宗亦莫之宗者公子是也

訂義註公子有此三事也公子謂先君之子今若昆弟疏以前經明卿大夫小宗大宗有小宗以相繼屬此經明諸侯之子身是公子上不得

宗君下未為後世之宗不可無人主領之義有
小宗而無大宗者謂君無適昆弟遣庶兄弟一
人為宗領公子禮如小宗是有小宗而無大宗
有大宗而無小宗者君有適昆弟使之為宗以
領公子更不得立庶昆弟為宗是有大宗而無
小宗也有無宗亦莫之宗者公子惟一無他公
子可為宗是有無宗亦無他公子未宗于己是
亦莫之宗也公子是也言公子有此三事他人
無惟公子也廷華案立庶兄弟為小宗則是君
之世無大宗及是君有次適乃立為大宗并是

君所立庶兄弟之子孫亦宗之

公子有宗道公子之公為其士大夫之庶者宗其士大夫之適者公子之宗道也

訂義註公子不得宗君君命適昆弟為之宗使之宗之是公子之宗道也所宗者適則如大宗死為之齊衰九月其母則小君也為其妻齊衰三月無適而宗庶則如小宗死為之大功九月其母妻無服公子惟已而已則無所宗亦莫之宗

疏云公子不得宗君者君尊族人不以戚君故不得宗君也云君命適昆弟為之宗使

之宗之者公子既不得宗君其公子宗親之事

無人主領故君命適昆弟為之宗使宗領之也

云所宗者適則如大宗死為之齊衰九月其母
則小君也宗者適則如大宗死為之齊衰九月其母
適者如大別子之適也今公宗子云則有大宗小宗
之正本是大宗故云一云如也死為之齊衰九月其
耳非正大宗降故云一云如也死為之齊衰九月其
在厥降兄弟降故云一云如也死為之齊衰九月其
哀與君同姓故云一云如也死為之齊衰九月其
哀三個月者同姓故云一云如也死為之齊衰九月其
不復立庶為小宗前經所謂也此立也而為之齊衰
是也云無適而宗庶則如小宗死為之齊衰九月其
月其母妻無適而宗庶則如小宗死為之齊衰九月其
尋常兄弟相為君者在此則降一等故死為之齊衰
九月其母妻無適而宗庶則如小宗死為之齊衰九月其
違子可立庶為小宗前經所謂也此立也而為之齊衰
而無大宗者但立庶為小宗前經所謂也此立也而為之齊衰
莫之宗者無所宗則公宗子為小宗前經所謂也此立也而為之齊衰
宗者則前經云亦莫之宗則公宗子為小宗前經所謂也此立也而為之齊衰
宗鄭于此註宗釋前耳疏此一節覆說上公子
宗道之意云公子有宗道一句為下起文言公

子有族人來與之為宗敬之道公子之公者公
君也謂公子之君是適兄弟為君者為其士大
夫之庶者則君之庶兄弟為士大夫所謂公子
者也宗其士大夫之適者言君為此公子士大
夫庶者宗其士大夫適者謂立公子適者士大
夫之兄與庶公子為宗故云宗其士大夫之適
也此適者即君之同母弟適夫人所生之子也
公子之宗適也者言此適公子為庶公子宗是
公子宗適結上公子有宗適文也

絕族無移服親者屬也

移或作施同
以效及旁也

訂義註無移服如族昆弟之子不相為服有親者服各以其屬親疏此一節論親盡則無服有親則有服絕族者謂三從兄弟同高祖者族兄弟總麻族兄弟之子及四從兄弟為族屬既絕者無移服在旁而及曰移言不延移及之親者屬也者謂有親者各以屬而為之服故云親者屬也廷華案移服如喪服由母推之外祖耳族人正服不當謂之移所謂移者蓋絕屬不當服如因服其父而即以服其無服之子則亦與移服等耳親者屬則即五服內之族人謂族未絕

一 自相屬而服之也

自仁率親等而上之至于祖自義率祖順而下之至於禰是故人道親親也親親故尊祖尊祖故敬宗敬宗故收族收族故宗廟嚴宗廟嚴故重社稷重社稷故愛百姓愛百姓故刑罰中刑罰中故庶民安庶民安故財用足財用足故百志成百志成故禮俗刑禮俗刑然後樂詩云不顯不承無斁於人斯此之謂也訂義註親親言先有恩收族序以昭穆也嚴猶尊也孝經曰孝莫大於嚴父百志人之志意所欲也刑猶成也斁厭也言文王之德不顯乎不

承成先人之業乎言其顯且承之人樂之無厭也疏此一節論人道親親從親親以下尊祖由尊祖故敬宗以收族人故宗廟嚴社稷重乃至禮俗成天下顯樂而無厭倦各依文解之自仁率親等而上之至于祖自義率祖順而下之至于禰者前文已具此重說之者前文論服之輕重故云一輕一重此論親親之道故先親親而後尊祖故云親親不言輕重也親親故尊祖者以已上親於親親亦止親于祖以次相親去已高遠故云尊祖尊祖故敬宗者祖既高遠無由

可尊宗是祖之正肩故敬宗敬宗故收族者族人既敬宗子宗子故收族人故喪服傳云大宗收族者也是其事收族故宗廟嚴者若族人散亂骨肉乖離則宗廟祭享不嚴肅也若收之則親族不散昭穆有倫則宗廟之所以尊嚴也宗廟嚴故重社稷者此以下並立宗之功也始周家邦終於四海若能先嚴宗廟則後于社稷保重也重社稷故愛百姓者百姓百官也既有社稷可重故有百官可愛也愛百姓故刑罰中者百官當職更相匡輔則無淫刑濫罰刑罰所以

皆得中也刑罰中故庶民安者上無淫刑濫罰
故庶民安也庶民安故財用足者民皆寧足有
所措各安其業故財用得足也財用足故百志
成者百姓足君孰與不足既天下皆足所以君
及民人百志悉成是謂倉廩實知禮節衣食足
知榮辱也百志成故禮俗刑者天下既足百志
又成則禮節風俗于是而成所以太平告功成
也禮俗刑然後樂者樂謂不厭也禮俗既成所
以長為民庶所樂而不厭也詩云不顯不承無
斁于人斯此之謂也若此周頌清廟之篇祀文

王之廟美文王之功言文王之德豈不光顯乎
言光顯矣文王豈不承先父之業乎言承之矣
無數於人斯數厭也文王之德既能如此無見
厭于人謂人厭倦之者斯語辭也今尊祖敬宗
人皆願樂亦無厭倦故云此之謂也謂與文王
相似矣詩箋云周公祭清廟是亦光明文王之
德與言其光明之也是不承順文王志意與言
其承順之也與此註不同者禮註在前詩箋在
後故詩有與禮註不同故鄭答晁模云然也

禮記疑義卷三十五

儀第一冊

鄭氏註

孔穎達疏

吳廷華存疑

少儀第十七

疏來鄭目錄云名曰少儀者以其記相見及薦羞之少威儀少猶小也此

於別錄為別度

開始見君子者辭曰某固願聞名於將命者不得階

主敬者曰某固願見

訂義註君子卿大夫若有異德者固如故也集

說云固如固辭之固固堅也曰如故者據下將云重則曰固是再請之辭若曰其堅如故也

猶奉也即君子之門而云願以名聞於奉命者

謙遠之也重則云固奉命傳辭出入階上進者

言賓之辭不得指斥主人敵當也願見願見於
將命者謙也疏陪是等級人升階必上進故以
上進也故禮始相見言敵體不讓故云願
見也雖云願見亦應云願見于將命者疏此
論見君子之法但此一篇雜文細小威儀不復
局以科段各隨文解之聞始見君子者謂作記
之人心自謙退不敢自尊制其儀而傳聞舊記
故云聞始見君子者謂始欲見君子貴勝之人
辭曰某固願聞名于將命者辭客之辭也某客
名也再辭也聞名謂名得通達也將命謂傳辭
出入通客主之言語者也客云願以已名使通

聞于將命之人也然客實願見君子而云願聞
名于傳命者不敢必斥見于君子但願將命者
聞之而已不云初辭而云固者欲明主人不即
見已已乃再辭故云固也此即註所謂重則曰固也若初辭
則不云固當惟云某願聞名于將命者耳不得
階主解上經文云聞名之義也階進也主謂主
人也客宜卑退故其辭不得斥進主人也敵體
不譚故曰願見廷華案不得階主者謂不敢進
斥主人故第以將命者言

罕見曰聞名亟見曰朝夕替曰聞名亟去莫反

訂義註罕希也希相見雖于敵者猶為尊主之
辭如于君子並數也于君子則曰某願朝夕聞
名于將命者于敵者則曰某願朝夕見于將命
者替無目也以無目辭不稱見疏案爾雅釋詁
得為希云希相見雖于敵者猶為尊主之辭如
于君子者尊而希者故宜同于始未相見故而
希者其辭重于始末故鄭偏解之也並數也爾
雅釋詁文替曰聞名者替無目也其未不問
見貴則並通云願聞名將命疏前二條明始相
者其目無所見故不云願見疏前二條明始相
見此明已經相見而疏者若少見尊者猶云願
聞名于將命者若少見敵者亦云願聞名于將
命者然敵者始末曰願見重來而疏隸曰聞名

者亦獎之使不疏也或云始來禮隆故尊卑宜
異重來禮殺故宜同也若數見尊者則其辭云
某願朝夕聞名于將命者若數見敬者則云某
願朝夕見于將命者

適有喪者曰比童子曰聽事適公卿之喪則曰聽後
於司徒

訂義註適之也曰某願比于將命者比猶比方
俱給事童子曰某願聽事于將命者童子未成
人不敢當相見之禮聽役者喪憂戚無賓主之
禮皆為執事來也

疏喪不主相見凡往者皆是
助事故云比謂比方其年力

以給喪事也若五十後反哭四十持盥次皆是
比方其事故鄭云此謂比方俱往通他喪不敢
比于將命者也童子未成人雖往通他喪不敢
與成人為比方俱未成人以事見使故云顧
禮事于將疏適往也此謂往敵者喪家也前往
命者也疏適往也此謂往敵者喪家也前往
敵喪此適貴者喪也不敢云相比方而使但聽
主人之見後輕重唯命不敢辭也不直云聽後
于將命而云于司徒者司徒主國之事故國有
大喪謂公卿之喪則司徒皆率其屬掌之故司
徒職云大喪帥六卿之衆庶屬其六引而治其
政令鄭云衆庶所致役也又檀弓云孟獻子喪
司徒族踊四布是也隱義云公卿亦有司徒官

以掌喪事也

疑義疏前明吉禮相見此以下明凶事相見者也

延華案此廣指適喪者言之疏糾經相見說非也

君將適他臣如致金玉貨貝於君則曰致馬資於有司敵者曰贈從者

訂義註適他行朝會也資猶用也贈送也疏此一經論臣致物于君及適者之辭前明吉凶相見之禮此以下明吉凶相送遺之禮也此明送

吉也君謂已君也通他謂朝會出往他國也臣如置金玉貨貝于君者如若也君欲往他國而臣若奉獻財物以充君路之資衆也金玉貨貝略舉其梗槩耳曰致馬資于有司者臣雖以物贈君君體尊脩物不有之失故臣不敢言將命與君但恐君行有車馬路中或須資給故云此物以充馬資物不可付馬故云致馬資于有司有司謂主君物者也敵者曰贈從者若物送敵者亦不云贈送敵者當言贈于左右從行者也臣致綬於君則曰致廢衣於賈人敵者曰綬賈音煖又音估

訂義註言廢衣不必以其欽也賈人知物善惡也周禮玉府掌凡王之獻金玉兵器文織良貨賄之物受而藏之有賈八人疏周禮賈八人引藏獻物也鄭註周禮云文謂物織畫繡之屬也疏此因前送吉此明送凶穰者以衣送死人之稱禮以衣送敵者死曰穰穰者遂彼生時之意也若臣以衣送君死不得曰穰但云致廢衣廢衣者不敢言必充君斂但充以廢致不用之例故云致廢衣也賈人者識物賈貴賤而主君之衣物者也又不敢云與君故云致賈人也然喪大記云君無穰註云無

禭者不陳不以斂敵者曰禭者衣送敵者死既
無謙故云禭也

親者兄弟不以禭進

訂義註不執將命者以即陳而已疏此明親者
相禭之法進謂執之將命也若非親者相禭則
猶者傳辭將進以為禮節若有親者相禭但直
將進即陳之不須執以將命也案士喪禮大功
以上同體之親禭不將命即陳于房中小功以
下及同姓等皆將命

臣為君喪納貨貝於君則曰納甸於有司

訂義註甸謂田野之物疏言臣為君喪而臣進
物納為獻也納入也甸田也言入此物是自由
野之所出合獻入之于君有司也必云田所出
者臣皆受君地明地物本由君出也祿是送君
故與賈人貨貝但供喪用故付有司也

賁馬

入廟門賁馬與其幣大白兵車不入廟門

賁音芳仲反

賁音附

訂義註入以主于死者不入以其主于生人也
兵車革路也雖為死者來陳之于外戰伐田獵
之服非盛者也周禮革路建大白以即戎疏此

一節論賻賵之異賵馬入廟門者以馬送死曰
賵賵副亡者之意也既送亡者故將入廟門也
庾云禮既訖訖而後賵馬入設于廟庭入門者
欲以供駕視車也故鄭云主于死者賻馬與其
幣大白兵車不入廟門者以馬助生營喪曰賻
馬幣謂以財貨賻助主人喪用並助主人之物
故不將入廟也故鄭云以其主于生人大白
兵車草路之旂草路建大白以即戎也兵車即
草路也雖並為送喪之從車而本是田戰之具
故不可入廟門故鄭云雖為死者來陳之于外

戰伐田獵之服非盛者也然所以得有大白兵車來助主人者此謂諸侯有喪隣國之君有以

聘者既致命坐委之損者舉之主人無親受也

訂義註喪者非尸柩之事則不親也舉之舉以東疏知舉以東者執記云舍者入升室致命坐委于墻東南宰夫朝服即喪屨升自西階西面坐取璧降自西階以東後擬者贈者至燕而升堂致命是告殯之辭也若贈生人則致命損者不告殯不升堂然車馬不舉以疏此一經明東而鄭云舉以東者謂幣之屬也聘者授物及主人受之禮聘者既致命坐委之此明來聘者之法坐猶跪也謂聘者跪委物於

地擯者舉之者謂主人擯者舉而取之主人無
親受也者吉時若人饋物主人皆自拜受之若
有喪主于哀戚凡有四方使者以物贈已悉不
得拜受故使擯者受舉之而已
受立授立不坐性之直者則有之矣

訂義註不坐由便也有之有跪者也謂受授于
尊者而尊者短則跪不敢以長臨之疏此一節
明相授受之禮前明吉凶相見及送贈之禮禮
有指相授受之法故此之坐亦跪也凡尊卑相
授乃以跪為敬也受立謂尊者立以物與卑者

卑者受此尊者之物授立謂尊者立已以物授尊者此二事皆不坐以尊者立故也若坐則尊者屈而低身類尊者故也性之直者則有之矣性謂天性言尊者天性直自如此短小尊者雖立若授受尊者之物則有坐而受授所以然者以尊者短小若立對之則以長臨尊故有坐也疑義註不坐由便也

廷華案不坐義疏說甚明但曰由便混矣

始入而辭曰辭矣即席曰可矣排闥託屣於戶內者一人而已矣有尊在則否

說吐
活反

訂義註可矣可猶止也謂擯者為賓主之節也
始入則告之辭至就席則止其辭一人脫屣者
雖衆敢猶有所尊也在在內也後來之衆皆說
屣于戶外疏此一節明賓主之入擯者告之辭
讓之節及說屣之儀始入而辭者謂始入門主
人辭謝賓之節曰辭矣者當此之時擯者告主
人曰辭謝賓矣謂辭讓賓令賓先入至階之時
擯者亦應告主人曰辭讓賓先登矣此不言者
始入之文包入門登階矣即席曰可矣者謂賓
主升堂各自就席而立擯者恐賓主辭謝即席

故擯者告之曰可矣可猶止也言既即席止此
辭讓不須辭矣排闥說屨于戶內者一人而已
矣者謂賓主登席其眾須入戶內者知尊卑相
敵相推一人為尊闥謂門扇謂排推門扇說屨
于戶內者一人而已矣言止許一人不得並皆
如此也有尊長在則否者謂先有尊長已在于
堂或室眾人後入不得一人說屨于戶內也
問品味曰子亟食於某乎問道藝曰子習於某乎子
善於某乎

訂義註不斥人謙也道三德三行也藝六藝

不

斥人譏也者雖先知其所食所習所善及其問
之猶疑而稱乎者譏退之辭是以不正指斥
人所能此人兼賓主也南公云不斥主人非也
云道三德三行也者案師氏教國子三德三
三德者一曰至德二曰敏德三曰孝德三行者
一曰孝行二曰友行三曰順行也皆國子所習
故知道是三德三行也云藝六藝者疏此一經
案保氏教六藝禮樂射御書數也
明賓主相問飲食及道藝之事也問品味曰於
亟食于某乎者謂客來賓主相問禮也品味者
餽饌也亟數也凡問人若欲問彼人已嘗食某餽
饌與否者則不可斥問嘗食否但當問其數食
某食乎如言彼已嘗經數食然彼若不嘗食則
自當依事而答之也問道藝者亦謂賓主先已

明知所習道藝及其問之亦不敢指斥故云子
習于其道乎于善于其藝乎道難故稱習藝易
故稱善也

不疑在躬不度民械不顧於大家不訾重器

訂義註躬身也不服行所不知使身疑也械兵
器也不計度民家之器物使已亦有大謂富之
廣也訾思重猶寶也疏此一節承上賓主相問
之事因明賓主之禮賓不得顧主人所有之物
不疑在躬者既問主人之道藝則已亦嘗習學
明了不得使疑事在其躬則為賓為主皆然也

不度民械者謂為客至主人之家不得計度民
家所有器械使已亦有也不顧于大家者大家
謂富貴廣大之家謂大夫之家也謂士往于卿
大夫之家見彼富大不可顧效之也非分而顧
必有亂心也不訾重器者重器寶珍之物謂客
至主人之家見有珍物重器不可思玩之若思
玩之則憎疾已貧賤生淫亂濫惡也嚴陵方氏
曰有諸已之謂信則疑不在躬矣講義曰如處
富貴而不疑其貧故下繼以民械三者慶源輔
氏曰械猶機械此即不逆詐意朱子曰訾猶計

度也金華應氏曰疑若衣服而不知名亦其一
案諸說其有意義並存之又集說補正曰集說
謂口無擇言身無擇行為不疑在躬但下民械
等皆親述不應此句獨向細處
說是矣但其說義亦不可廢

汜埽曰埽埽席前曰拊拊席不以簣執箕膺搗

訂義註簣謂帚也帚恒埽地不絮清也搗古也
持箕將去糞者以舌自鄉疏此一經明主人與
賓洒埽之事汜埽者汜廣也若近路大賓來主
人宜廣埽之謂外內俱埽謂之埽埽席前曰拊
者若近路小賓來則上埽席前不得名埽則但
曰拊也所以然者拊是除穢埽是滌蕩拊席不

以簠者簠謂埽地帚也若埽席上不得用埽地
帚也執筭膺指者膺人之胸前指筭之舌也筭
是去物之具賤者執之不可持嚮尊者當持筭
舌自嚮胸前

不貳問問卜筮曰義與志與義則可問志則否

訂義註當三之心以問吉凶于蓍龜不得于正
凶則卜筮其權也問大卜問來卜筮者也義正
事也志私意也疏此一節明卜筮之下不貳問
者凡卜筮之法當正己心志而來問于蓍龜則
得吉兆不得二心不正若二心不正必凶則卜

筮權時妄告問卜筮曰義與志與者謂大卜問
來卜筮者為是道理正義與為是私意志與義
則可問志則否者若卜筮者是公義則可為卜
筮若所問是私心志意則不為之卜筮

尊長於已踰等不敢問其年燕見不將命過於道見
則面不請所之喪俟事不恤弔侍坐弔使不執琴瑟
不畫地手無容不翼也寢則坐而將命侍射則酌矢
侍投則擁矢勝則洗而以請客亦如之不用擢馬
訂義註踰等父兄黨也問年 恭孫之心不
全不將命自不用賓主之正來則若子弟然則

面者可以隱則隱不敢煩動也不請者尊長所
之或卑褻不執巾亦不敢故煩動也事朝夕哭
時弗使以下皆端慤所以為敬也尊長或使彈
琴瑟則為之可命有所傳辭也坐者不敢臨之
約矢不敢與之拾取也擁矢不敢釋于地也投
投壺也投壺坐勝則洗爵請行觴不敢直飲之
客射若投壺不勝主人亦洗而請之角謂觥罰
爵也于尊長與客如獻酬之爵罷去也謂徹也
已徹馬嫌勝故薄之疏此一節論卑幼奉侍于
尊長諸雜儀燕見不將命者謂卑幼私燕而見

不使摘者得命無賓主之禮遇于道見則面者
若于道路遇尊者尊者若見己己則面見若尊
者不見己己則隱也不請所之者雖面自見而
不得問尊者何處往也喪俟事不植弔者謂弔
于尊長喪法也俟事謂侍主人朝夕哭時也不
植弔謂不非時而獨弔也侍坐弔使不執琴瑟
者卑侍尊者之法也侍坐于尊尊者若不使己
己則不得執琴瑟而鼓之若使己己則得執之也
不畫地者盧云不敢無故畫地也手無容者盧
云不敢弄手也不翣也者盧云翣扇也雖熱亦

不敢搖扇也此皆端慙所以為敬寢則坐而將
命者寢卧也坐跪也若尊者臨卧而侍者若傳
辭當跪前不可以立恐臨尊者侍射則約矢者
矢箭也凡射必計耦先設福在中庭福者兩頭
為龍頭中央共一身而倚箭于福身上上耦前
取一矢下耦又進取一矢如是更進各得四箭
而升堂棟三于要而手執一隻若卑者侍射則
不敢更拾進取但一時并取四矢故云則約矢
也侍投則擁矢者投投壺也擁抱也矢謂投壺
箭也若柝若棘為之投壺禮亦賓主各四矢從

委于身前生一一取之若卑者侍投則不敢釋
置于地但手并抱投之也故鄭云不敢釋于地
庾云擁抱已所常投矢也隱義云尊者委四矢
于地一一取以投卑者不敢委于地悉執之也
勝則洗而已請者若敵射及投壺竟司射命酌
而勝者當應曰諾而勝者弟子酌酒南面以置
豈上豈在西階上西楹之西而不勝者下堂揖
讓升堂就西階上立北面就豈上取爵將飲之
而跪之曰賜灌灌猶飲也而勝者立于不勝者
東亦北面跪而曰敬養若卑者得勝則不敢直

酌當前洗爵而請行觴然後乃行也客亦如之
者客若不勝則主人亦洗而請如卑侍之法所
以優賓也不角者角謂行罰之爵用角酌之也
詩云酌彼兕觥是也今飲尊者及客則不敢用
角但如常獻酬之爵也不擢馬者擢去也徹也
投壺立籌為馬有威武射者所尚也凡投壺
每一勝輒立一馬至三馬而成勝但類勝馬三
難得若一朋得二馬一朋得一馬于是二馬之
朋徹取一馬者足以為三馬以成定勝也今若
卑者朋難得二馬亦不敢徹尊者馬足成已勝

也

執君之乘車則坐僕者右帶劍負良綏申之而拖詣
臂以散綏升執轡然後步

訂義註執執轡謂守之也君不在中坐示不行
也面前也臂覆苓也良綏君綏也負之由左肩
上入右腋下申之于前覆苓上也步行也疏苓
關也亦名為式故詩傳云轡覆式與此同知良
綏君綏者以下云散綏既有二種明良綏君綏
其散綏則本繫于車疏此一節明為君僕御之
僕者掌之而登車也法執君之乘車則坐者謂君不在車而僕執轡
守君車時也凡御則立今守空車則坐示君不

在車車不行也僕者右帶劍者謂初御法也僕
即御者也右帶劍者帶之于腰右邊也帶劍之
法在左以右手抽之便也今御者劍右帶者御
人在中君在左若左帶劍則妨于君故右帶也
負良綏申之面者君由後升僕者在車背君面
面前取君綏由左腋下如左肩上繞背入右腋
下申綏之末于面前拖諸臂者拖猶擲也亦引
也臂車覆闌也綏申于面前而擲末于車前臂
上也亦云引之可置車臂上也以散綏升者謂
初升時也散綏別綏也僕登車既不得執君綏

故執副綏而升也執轡然後步者步猶行也既升車執策分轡而後行車也行車五步而立待君君出上車則授良綏而升君也

請見不請退朝廷曰退燕遊曰歸師役曰罷罷音

訂義註不請退去止不敢自由曰退者近君為

退曰歸者禮義主于家也罷言罷勞也春秋傳

曰師還曰疲鄭注八年夏魯師及齊師圍邲

者何等辭也此誠同姓何善爾病之也何疏此

一節明卑者見尊及朝廷退歸之辭請見不請

退者謂卑者于尊所有請見之理既見去必由

于尊者故不敢請退朝廷曰退者謂于朝廷之中若欲散還則稱曰退以近居為進還私遠居故稱退論語于退朝又云冉子退朝並是對進為言也燕遊曰歸者若在燕及遊退還稱曰歸以燕遊禮喪主于歸家師役曰罷者謂于師役之中欲散退之時稱曰罷勞

侍坐於君子君子欠伸運笏澤劍首還屣問曰之蚤

莫雖請退可也

莫音暮

訂義註以此皆解倦之狀伸類伸也運澤謂玩弄也金器弄之易以汗澤疏此明侍坐法也志

卷則欠體被則伸為君子久坐而自為之也運
笏者運動也謂君子搖動于外澤劍首者澤謂
光澤玩弄劍首則生光澤還屨者還轉也謂君
子自轉屨也尊者說屨于戶內是屨恒在側故
得自還轉之也問日之蚤莫者尊者忽問日之
疑義疏蚤莫雖請退可也者雖假令也前言侍
者不得請退今若見君子有欠伸以下諸事皆
是坐久體倦欲起或欲卧息之意故侍者當此
時假令請退則可也

廷華案雖當如字蓋以侍者本不當請退至此

雖請亦可耳假字義未的

事君者量而后入不入而后量凡乞假於人為人從事者亦然然故上無怨而下遠罪也

訂義註量量其事意合成否疏此一節明臣事君之法事君者量而后入者凡臣之事君者欲請為其事先商量事意堪合否然後入而請之不入而后量者不得先入請見君然後始商量成否凡乞假于人為人從事者亦然者非直事君如此凡乞貸假借于人謂就人乞貸假借如此之屬亦須先商量事意成否不可不先商量

即當其事故云亦然然故上無怨而下遠罪也
者然猶如此事君若能如此下不忤上故上無
怨上不責下故下遠罪然惟解上下不結乞假
從事者略可知陳氏集說曰乞假或乞或假也
為人從事任人之事也

疑義疏為人從事謂求請事人
廷華案為人從事集說甚明疏湊入求字其說
竟不可解

不窺密不旁狎不道舊故不戲色

訂義註不窺者嫌伺人之私也密隱曲處也戲

則暫變傾顏色為非常則人不長失敬也疏人自矜持尊其時視若暫傾變顏色為非常褻慢則人不復長失他所敬故云則人不長失敬也疏此一節明于僚類當自矜持之事不窺密者人當正視不得窺覷隱密之處鄭云嫌伺人之私也不道故舊者不道說故舊之罪過不戲色者不戲弄其顏色應氏曰旁狎非必正為玩狎旁近循習而流于狎也集說補正曰德盛不狎侮集說曰道故舊之非厚重者所為疑義註旁狎則妄相服習終或爭訟道舊故者言知識之過失損友也孔子曰故舊不遺則民

不偷

廷華案訓旁為妄蓋臆說非真諦也爭訟及失
損友說無謂孔不通故舊亦非孔子故舊不遺
之義

為人臣下者有諫而無訕有亡而無疾頌而無調諫
而無驕怠則張而相之廢則埽而更之謂之社稷之
役

訂義註亡去也疾惡也頌謂將順其美也驕謂
言行謀從恃知而慢也怠墮也相助也廢政教
壞亂不可因也後為也

疏為謂助為也社稷之役也

疏此明臣事君之道有諫而無訕者訕謂道說
君之過惡及謗毀也君若有惡臣當諫之不得
嚮人道說謗毀故論語云惡居下流而訕上者
有亡而無疾者亡猶去也疾謂憎惡也君若有
過三諫不從乃出竟而去不得強留而憎惡君
也頌而無調者頌美盛德之形容也調謂橫求
見容若君有盛德臣當美而頌之也君苟無德
則匡而救之不得虛妄以惡為美橫求見容故
孝經云將順其美匡救其惡諫而無驕者君若
從已諫則已不得藉已言行張用情知而生驕

慢怠則張而相之者若君政怠惰則臣當為張
起而助成之也隱義云君怠惰當張設法而助
之或張強其志以廣大之也廢則墮而更之者
君政若已廢壞無可復張助者則當墮蕩而更
創立為新政也謂之社稷之役者役謂事君如
上者是可謂為社稷之臣也故衛君云柳莊者
是社稷之臣也

女拔來毋報往毋濟神毋徇枉毋測未至士依於德
游於藝工依於法游於說毋警衣服成器毋身質言

語

報音赴
報音赴

訂義註按赴皆疾也人來往所之當有宿漸不
可卒也漬謂數足角而不敬往謂前日之不正
不可復遵行以自伸測意度也德三德也一曰
至德二曰欽德三曰孝德藝六藝也一曰五禮
二曰六樂三曰五射四曰五御五曰六書六曰
九數法謂規矩尺寸之數也說謂鴻敷之意所
宜也考工記曰薄厚之所震動清濁之所由出
侈弇之所由興有說警思也成猶善也思此則
疾貧也質成也聞疑則傳疑若成之或有所誤
也疏案周禮師氏以三德教國子一曰至德二
曰敬德三曰孝德彼註云至德中和之德覆

依干股重漢不米解樂輸假居參樂禮士德六祖燕
 司齊替差時足二似之方借衣連雲保故所以德愛特
 農等之即云八差几等程蹄并刻門氏知以知親哉
 所更為與今旁分數皆藏聲交衡義減丈三萬望大容
 註云漢之數于九火名康成所要今有粟米象形會
 周今九差分數一之內有重差句股者六解方司農
 札有九數分數一之內有重差句股者六解方司農
 之八數即一也去舊章也先師焉融
 數禁各為二篇此經云依
 餘各為二篇此經云依
 並不取此經云依
 于今

法游十說法既此是規矩法式書論其外又云說是
與法不同謂法大同小異說法度之意彼說鍾其
殺之意與法同證說足說法度之意彼說鍾其
文引考工記者證說足說法度之意彼說鍾其
形狀言鍾或薄或厚聲之振動其聲清濁由薄
厚而出云倭弁之山與多器鍾口寬大或小
謂鍾口內小從此法式所由與有說或大或小
或侈或弁皆有此法式之意鍾厚則聲不散薄則
聲散大短則聲疾易揚故云有長聲緩此一節廣
深連弁則聲不舒揚故云有長聲緩此一節廣
明為人之法應事之法身毋拔來毋報往者凡人
所之適必有宿漸毋得疾來毋得疾往毋瀆神
者謂清慢也神明正直敬而遠之不可慢毋循
枉者循猶追述也枉邪曲也人非國始不免時
或邪曲若前已行之今當改正不得猶追述已

之邪事也。毋測木至者，木至之事，聖人難知。凡人故不可豫欲測量之也。若終不終，則傷知也。士依于德者，士謂進士有德行者，當依附于三德。游于藝者，謂教游于六藝。工依于法者，謂規矩尺寸之法。或言工巧皆當依附于法式。游于說者，說謂論說。矩法式之辭，言游息于規矩法式之文。書毋訾衣服成器者，訾思也。成善之無得，思念衣服善器。毋身質言語者，凡言語有疑，則稱疑。無得以身質成言語之疑者，其言既疑，若必成之，或有所悞也。朱子曰：拔是急走倒。

從這邊來赴是又急再還從倒向那邊去來往
只是向背之意猶曰其去義若熱則其就義若
渴言人見箇好事火急歡喜去做必不耐久所
謂其進銳者其退速也

言語之美穆穆皇皇朝廷之美濟濟翔翔祭祀之美
齊齊皇皇車馬之美匪匪翼翼鸞和之美肅肅雍雍

美音儀齊如字
皇音往匪音駢

訂義註周禮教國子六儀一曰祭祀之容二曰
賓客之容三曰朝廷之容四曰喪紀之容五曰
軍旅之容六曰車馬之容

疏詩小雅云四牡駢
駢周道倭遲述文王

聘臣之勞云美皆當為儀者以保氏云故國子
六儀一曰祭祀之容容即儀也故之美皆當為
儀鄭彼註祭祀之容則此言語穆也皇也彼註
此文其賓客之容則此言語穆也皇也彼註
喪紀之容繫是玉藻文也疏此一節明諸事
容豈也語是玉藻文也疏此一節明諸事
之宜此美皆當為儀言語之美者謂與賓客言
語故鄭註保氏云賓客之容穆也皇也者謂言
語形狀穆也皇也然天子諸侯行容亦穆也皇
皇故曲禮云天子穆也諸侯皇也鄭云皆行容
止之貌穆也皇也皆美大之狀濟也翔也者據
在朝威儀濟也翔也謂威儀厚重寬舒之貌言
語則穆也皇也威儀則濟也翔也齊也皇也者

皇讀為歸往之往皇氏云謂心所繫往孝子祭
祀威儀嚴正心有縫屬故齊心皇心其言語及
威儀皆當如此匪心翼心者匪讀曰駢駢心翼
心者皆是車馬之形狀故詩云四牡駢心下又
云四牡翼翼皆是馬之行容貌翼心駢心皆是
馬之嚴止肅肅雍心者鸞和聲之形狀肅心然
雍心然肅心是敬之貌雍心是和之貌方氏曰
穆心敬以和皇心正而美濟心出入之齊翔心
翕張之美齊心至齊而能定皇心有求而不得
匪心行而有文翼心載而有輔肅心唱者之敬

雍二應者之和

問國君之子長幼長則曰能從社稷之事矣幼則曰能御未能御問大夫之子長幼長則曰能從樂人之事矣幼則曰能正於樂人未能正於樂人問士之子長幼長則曰能耕矣幼則曰能負薪未能負薪

長反丁

訂義註御謂御事正樂政也周禮大司樂以樂德教國子中和祗庸孝友以樂語教國子興道諷誦言語以樂舞教國子舞雲門大卷大咸大韶大夏大濩大武言耕者士祿薄子以農事為業

疏鄭恐經正是樂正之官故請為政令之政謂年幼受政于樂人也引大司樂者證御大

夫之習樂之事猶忠以樂德教國子中和祗庸
孝友之術彼註云孝善也彼註云曰興父誦言善者
國子常也善道諷誦言善者彼註云倍文曰興謂以
善事導者言古以訓語也彼註云倍文曰興謂以
口誦發端曰言答述曰雲門語云教國子舞雲門以
下者彼註云黃帝曰雲門大卷言其德如雲之
所出民得以有族類如鄭此言如雲之德所出解
雲門也民得以有族類如鄭此言如雲之德所出解
集賢也彼註大咸成池堯樂也言其德無所不
施大韶舜樂也言其德能中紹大舜樂也言其德
也為治永言其德能中紹大舜樂也言其德
德能功也曲禮問其父身此問其子者皇氏云
成武功也曲禮問其父身此問其子者皇氏云
記人之疏此一節明問國君及大夫士之子長
意異耳疏此一節明問國君及大夫士之子長
幼之稱長則曰能從社稷之事矣者謂彼人所
問君之子長幼若長則答之云能從君供社稷

之事若幼則曰能御也治也謂已能治事若大
幼則曰未能治事此治事謂尋常細小事也小
于社稷事問大夫之子長幼長則曰能從樂人
之事矣者以大夫之子恒習學于樂長則已能
習樂故曰能從樂人之事矣幼則曰能正于樂
人未能正于樂人者正謂政令以幼者習樂未
成但聽政令于樂人受樂人所教幼則云已能
受命令于樂人若大幼則云未能受政令于樂
人

執玉執龜策不趨堂上不趨城上不趨武車不式介

者不拜

訂義註不趨者于重器于近尊于迫狹無容也
步張子曰趨不式不拜者兵車不以容禮下人
也車中之拜肅拜

婦人吉事雖有居賜肅拜為尸坐則不手拜肅拜為
喪主則不手拜為雖或

訂義註肅拜拜低頭也手拜手至地也婦人以
肅拜為正凶事乃手拜耳為尸為祖姑之尸也
士虞禮曰男男尸女女尸為喪主不手拜者為
夫與長子當稽顙也其餘亦手拜而已或曰喪

為主則不手拜肅拜也
疏云此言手至地者解
以手至此則周禮空首
至手而頭米至手也云
至地而拜為正者言肅
人以此肅拜為新者言
拜執地以其宣子之婦
穆藏顙首于宣子之門
正也云凶事乃有手拜
餘輕喪不事乃有手拜
喪主則不事乃有手拜
乃有手拜耳云為尸故
禮一男男尸女云為尸
子一男男尸女云為尸
長子當為尸故祭統云
云其餘亦手拜也文設
云凶事乃手拜而已除
肅拜也者鄭引是或解
拜但為肅拜鄭引是或
異違小記正火儀

儀婦人吉禮不手拜但肅拜肅拜如今婦人拜也言事及君賜悉然也為尸坐者謂虞祭婦人為祖姑作尸也周禮坐尸嫌婦人成異故明之也若平常祭無婦人之尸示主于夫故設同几而已則不手拜肅拜者手拜手至地婦人為尸或答拜時但肅拜而不手拜也為喪主則不手拜者婦人若有喪而不為主則手拜也蓋為夫及長子喪主則稽顙不手拜

葛經而麻帶

訂義註謂既虞卒哭也帶所以自結束也婦人

質少變于喪之帶有除而無變疏此謂婦人既
虞卒哭其經以葛易麻故云葛經婦人尚質所
貴在要帶有除無變終始是麻故云麻帶也
取俎進俎不坐

訂義註不坐者以其有足亦柄尺之類于疏素管
于職云進柄尺謂謂進肉加俎俎既有足立而進取便故不坐
執虛如執盈入虛如有人

訂義註重慎

凡祭於室中堂上無跣燕則有之

訂義註祭不跣者主敬也燕則有跣為歡也天
子諸侯祭有坐尸於堂之禮祭所尊在室燕所
尊在堂將燕降說屨乃升堂疏云祭不跣者主
坐而相親祭禮主敬不敢私自相親故云祭不
跣者主敬也云延尸于室無坐尸外故坐尸于
下祭禮于室無坐尸外故坐尸于室無坐尸外
以經云凡祭于室中堂上無跣者凡祭謂天子
諸侯通朝事延尸于室中堂上無跣者凡祭
貴賤通朝事延尸于室中堂上無跣者凡祭
諸侯雖朝事延尸于室中堂上無跣者凡祭
燕及踖熟之時事神大戶外非禮之或即初
燕所尊在堂者時事神大戶外非禮之或即
初時立而致敬故云燕所尊在堂云將燕降
屨乃升堂者疏此一經論堂上有跣無跣之事
燕禮之文也

凡祭于室中堂上無跣者凡祭謂天子至士悉

然也天子諸侯則有室有堂祭禮主敬故凡祭
在室中者非惟室中不說屨堂上亦不敢說屨
故云凡祭于室中堂上無跣燕則有之者有之
謂堂上有跣也燕禮主歡故得說屨而升堂坐
也燕禮云賓及卿大夫皆說屨升就席註云凡
燕坐必說屨屨賤不在堂也禮者尚敬敬多則
不親燕安坐相親之心

疑義疏下大夫及士陰厭二厭及燕尸皆于室
中上大夫陰陽及祭在室若擯尸則于堂

詳儀禮集

未嘗不食新

訂義註嘗謂薦新物于寢廟疏未嘗則人子不
忍前食新也

僕於君子君子升下則授綏始乘則式君子下行然
後還立

訂義註還車而立以俟其去疏此一經論僕御
之禮必授人綏故君子升及下僕者皆授綏也
始乘則式者謂是僕者始乘君子未至御者則
式以待君子升也君子下行然後還立者僕人
之禮若君子將升則僕先升君子下行則僕後下
更還車而立待君子去後乃敢自安或云君車

將駕則僕執策立于馬前故君子將下車則僕亦下車立于馬前待君子下行乃更還車立以俟君去

乘馭車則式佐車則否

訂義註馭車佐車皆副車也朝祀之副曰馭戎獵之副曰佐魯莊公敗于乾時公喪戎路傅乘而歸經云朝祀之副曰馭戎獵之副曰佐若戎獵自戎相對則戎車之副曰倅田車之副曰佐戎故周礼戎僕取倅車田僕取倅車授倅是也○又齊師戰于乾時公喪戎式為道車佐車則卿大夫或謂凡君之副車為馭車故式佐車則卿大夫

從君之車疏謂僕乘副車法也朝祀副車曰貳
故不貳也式獵副車曰佐朝祀尚敬乘副車者式戎獵尚
武乘副車者不式也

疑義疏熊氏云此云戎獵之副曰佐者據諸侯
禮也

延華案此時據左氏傳佐車說故傳會言之據
周禮田僕掌佐車之政則天子亦有佐車也

貳車者諸侯七乘上大夫五乘下大夫三乘

來證反

訂義註周禮貳車公九乘侯伯七乘子男五乘
卿大夫各如其公之數疏案周禮大行人云上
公貳車九乘侯伯七乘

又典命云卿六命其大夫
四命半服各如其命數
疑義註此蓋殷制也
疏周禮與此經不
同故疑為殷制
延華案記與周禮不同者多
蓋各據其所聞見
者為記不必求合于周禮也
註疏家于不同處
輒以夏殷及天子諸侯言之
蓋混語不足為據
也

有馭車者之乘馬服車不齒
觀君子之衣服服劍乘
馬弗賈

訂義註不齒者尊有爵之物
賡敬也服車所乘
車也車有新舊弗賈者平
尊者之物非敬也疏

此一節明廣敬之義有馭車者之乘馬服車不齒者有馭車則謂下大夫馭車之乘以下者謂其所乘之馬所服之車不敢齒次論其年歲評其價數高下車所以不得齒者以車有新舊則年歲有多小價數有貴賤以尊者之物故不敢齒也觀君子之衣服服劍乘馬弗貴者觀視也亦不得輕乎尊者物堪多少之價亦為不敬故觀而不平

其以乘壺酒束修一犬賜人若獻人則陳酒執修以將命亦曰乘壺酒束修一犬其以幣肉則執以將命

其禽加於一雙則執一雙以將命委其餘犬則執縶
守犬曰犬則授擯者既受乃問犬名牛則執紉馬則
執鞿皆右之臣則左之車則說綏執以將命中若有
以前之則執以將命無以前之則袒櫜奉冑器則執
蓋弓則以左手屈韉執拊劔則啓櫜蓋襲之加夫褱
與劔馬笏書修苞直弓茵席枕几頽杖琴瑟戈有刃
者擣笑籥其執之皆尚左手刀卻刃授頽剛授拊凡
有刺刀者以授人則辟刃

訂義註陳重者執輕者便也乘壺四壺也酒謂
清也槽也不言陳犬或無修者牽犬以致命也

于卑者曰賜於尊者曰獻此肉謂牲體已解可
升于鼎加猶多也縹緇皆所以繫制之者守
犬田犬問名畜養者當呼名謂若韓盧宋鵲之
屬右之者執之宜由便也臣左之異于衆物臣
謂囚俘甲鎧也有以前之謂他摯幣也案玃鎧
衣也肖兕螭也袒其衣出兕螭以致命執蓋謂
有衣裏觸弓衣也左手屈衣并于肘執之而右
手執簫纁謂劍函也襲卻合之夫褫劍衣也加
劍于衣上苞苴謂緇束管葦以裹魚肉也茵著
蓐也頽警枕也英著也簫如笛三孔皆皆十六

物也左手執上上陽也右手執下下陰也授拊

辟用時穎鏤也拊謂把辟刃不以正鄉人也

不言陳犬或無修者牽犬以脯時執脯不言陳犬故

云有酒脯若言陳犬則牽犬無脯時執脯亦猶不言陳犬故

明之也酒脯若言陳犬則牽犬無脯時執脯亦猶不言陳犬故

明之也酒脯若言陳犬則牽犬無脯時執脯亦猶不言陳犬故

明之也酒脯若言陳犬則牽犬無脯時執脯亦猶不言陳犬故

明之也酒脯若言陳犬則牽犬無脯時執脯亦猶不言陳犬故

明之也酒脯若言陳犬則牽犬無脯時執脯亦猶不言陳犬故

明之也酒脯若言陳犬則牽犬無脯時執脯亦猶不言陳犬故

明之也酒脯若言陳犬則牽犬無脯時執脯亦猶不言陳犬故

明之也酒脯若言陳犬則牽犬無脯時執脯亦猶不言陳犬故

明之也酒脯若言陳犬則牽犬無脯時執脯亦猶不言陳犬故

取魚內者素既夕是禮云華苞以三內則云
取魚內者素既夕是禮云華苞以三內則云
木容他物見苞苴之禮行是也云苴者苴也
謂苴是苴苴苴苴苴苴苴苴苴苴苴苴苴苴苴苴
既夕苴苴苴苴苴苴苴苴苴苴苴苴苴苴苴苴
故為警枕也者以筭三著也者曲禮云筭為
若為警枕也者以筭三著也者曲禮云筭為
云為警枕也者以筭三著也者曲禮云筭為
如筭併而吹之云皆十有六物也者前解經以
之間為其木之秀也亦謂是為類也者以授人
之類其事雖異大亦謂之類也者以授人
則正謂人也疏此一節廣以物獻遺人法各
隨文解之其以乘壺酒束修一大賜人若獻人者
四馬曰乘故知四壺酒亦曰乘壺束修斗甌脯

也酒脯及犬皆可為禮也與卑者曰賜奉尊者
曰獻隨其所與故云賜人若獻人也則陳酒執
修以將命者陳列也酒重脯輕故陳列重者于
門外而執輕者進以奉命也亦曰乘壺酒束修
一犬者謂將命之辭也雖陳酒犬而單執脯致
命而其辭亦猶曰有酒脯犬也若二犬亦當言
二也其以賜肉則執以將命者謂無脯犬而有
酒肉者也則亦陳酒而執肉以將命也云賜肉
者謂肉已解別可升于賜者解別則易執也其
禽加于一雙則執一雙以將命委其餘者謂以

禽獸賜也二隻曰雙加于一雙謂或十或百雙也假令多雙則惟執一雙將命也委其餘者所餘多雙則委陳門外也犬則執縶者縶牽犬繩也若牽犬將命則執繫犬繩也守犬田犬則授擯者既受乃問犬名者犬有三種一曰守犬守禦宅舍者也二曰田犬田獵所用也三曰食犬充君子庖厨庶羞用也田犬守犬有名食犬無名獻田犬守犬則主人擯者既受之乃問犬名牛則執紉馬則執勒者紉勒俱牽牛馬之物故執之皆右之者謂以右手牽之由便故也此謂

田犬守犬畜養馴善無可防禦若充食之犬則
左手牽之右手防禦故曲禮云効犬者左牽之
是也臣則左之者謂征伐所獲民虜者也左之
謂左手操其右袂也以其異于衆物衆犬馬之
屬犬馬不生變異故皆右之民虜或起惡慮故
以左手操右袂右手當制之是與衆物異也獻
車馬者執策綏故知陳車馬而說綏執以將命
甲若有以前之則執以將命者甲鎧也有以前
之謂他物也謂獻鎧若復有他物與鎧同獻則
陳鎧而執他物輕者以將命也無以前之則袒

綦奉冑袒開也綦設鎧衣也冑兜鍪也若無他物惟獻甲而已則開甲出綦冑奉之將命也曲禮云獻甲者執冑是也器凡器若獻則陳底執蓋以將命蓋輕便也韜弓衣拊弓把也獻弓則左手屈弓衣并于把而執之以其右手執簫以將命曲禮云右手執籥左手承拊是也啓開也櫜劍函也獻劍則先開函也蓋襲之者蓋劍函之蓋也襲謂卻合也開函而以蓋卻合于函底下于蓋上加夫褱者褱劍衣也先卻合蓋于函下又加劍衣函中也與劍馬者加衣于函中竟

而以劍置衣上笏也書也修脯也苞苴也弓也
茵也席也枕也几也頽也狀也琴也瑟也戈有
刃者橫也謂戈之有刃者以橫執之莫著也簫
笛也其執之皆尚左手者言執此諸物皆尊尚
左手左手在上而執之右手在下而承之刀卻
刃授頽言授人以刀卻仰其刀授之以頽頽謂
刀鏤也言以刀鏤授之削授拊者削謂曲刀拊
謂削把言以削授人則以把授之

疑義註酒清也糟也

釀案內則酒醴有清有糟
神者曰清不神者曰糟故

知此酒或
清或糟

廷華案內則云飲重醴稍醴清糟云云又云酒
清白是清糟惟酒有之酒止有清白無清糟也
記止言酒註混入清糟疏又合酒醴以言清糟
並非

乘兵車出先刃入後刃軍尚左卒尚右

訂義註先刃後刃者不以刃嚮國也

案此以車所建兵言

左陽也陽主生將軍有廟勝之策左將軍為上
背不敗績右陰也陰主殺卒之行伍以右為上
示有死志疏此一節論兵車出入及將士所處
之宜出先刃入後刃者不欲以刃嚮國軍尚左

者軍謂將軍行伍尊尚左方左是陽陽主生欲其生不敗績也卒尚右者言士卒行伍貴尚于右右為陰示其有必死之心

賓客主恭祭祀主敬喪事主哀會同主訓軍旅思險
隱情以虞

訂義註恭在貌也而敬人在心訓謂敏而有勇若齊國佐險阻出奇覆護之處也隱意也思也虞度也當思念已情之所能以度彼之將然否

疏成二年左傳齊晉戰于鞏齊國佐陳辭以拒晉師是敏而有勇也險阻出奇覆護之處也者鄭解經中險字險是地形險阻出奇覆護之地形既險得出奇謀覆詐故云險阻出奇覆護之處若

大義

其平地則不得設奇謀設詐也虞度也釋言文
云當思念已情之所能以度彼之將然否者言
在軍旅先須思念已國之情所堪疏恭在貌敬
能以測度彼軍將欲如此與否
在心賓客輕故主恭祭祀重故主敬會同主謝
者謂謂敏大言語會同之時肯在敏捷勇武曰
光大軍旅思險者言軍旅行處思其險阻之地
出奇設謀以覆敗前敵隱情以虞者謂以意思
念彼情豫測度前敵知其所欲為事記者明軍
旅之中當須如此虞源輔氏曰交際以禮相示
故以容貌之恭為主祭祀以誠感格故以內之
心敬為主內外無二致敬無理行軍之道以臨

事而懼好謀而成為上思險謂臨事而懼慮敗

不慮勝也隱情以虞謂好謀而成且兵事露則

不神也案註說後世用兵之術輔說則古用兵之正道也以註無大舛始存之

燕侍食於君子則先飯而後已毋放飯毋流歎小飯

而亟之數噍毋為口容容自徹辭焉則止飯煩飽反數色角反

唯又作噍

訂義註先飯所以勑也亟疾也脩噦噍若見問

也口容弄口辭者主人辭其徹疏此一節明侍

食之法先飯而後已者先飯先君子之飯若嘗

食然君子食罷而後已若勸食然小飯而亟之

者小飯謂小口而飯亟謂疾速而咽小飯倍噉
噉也連咽之倫見問也數唯毋為口容者數唯
謂數數爵之無為口容者無得弄口以為容也
客自徹辭焉則止者謂食訖客欲自徹其俎主
人辭其徹俎容則止而不徹

客爵居左其飲居右介爵酢爵俱爵皆居右俱同

訂義註客爵謂主人所酬賓之爵也以優賓耳
賓不舉奠于薦東三爵皆飲爵也介賓之輔也
酢所以酢主人也遵謂鄉人為卿大夫來觀禮
者疏案鄉飲酒礼主人酬賓莫解于薦東所以
不奠薦西者欲優饒其容且令閑裕故不奠

于薦西賓又酒不盡主人之勸運奠薦東示不敢
 飲也案鄉飲主人獻供七飲是介介飲三爵皆飲賓酢主
 謂鄉人飲主人獻供七飲是介介飲三爵皆飲賓酢主
 則入門左註云此謂鄉之為人為大者有連者
 為通者方以禮樂化民飲其遵法之也今云連
 或為供云此或為作此字者故云或他皆做此疏此一
 文書本有作此字者故云或他皆做此疏此一
 節明客爵所在客爵依鄉飲酒禮主人酬賓之
 爵賓受奠解于薦東是客爵居左也介爵酢爵
 俱爵皆居右者介賓副也酢謂客酌還答主人
 也俱謂鄉人未觀禮副主人者也爵並居右亦
 為飲之案鄉飲酒介爵及主人受酢之爵并俱
 爵皆不明奠置之所故記者于此明之廷華案

介供正獻即飲不奠記想當然耳

疑義疏飲居右者鄉飲酒禮旅酬之時一人舉
觶于賓賓奠觶于薦西至旅酬賓取薦西之觶
以酬主人是其飲居右也

廷華案此儀禮者不舉者于左將舉者于右也
鄉飲酒禮主人酬賓奠爵于薦東此謂客爵居
左其獻賓時賓坐祭脯醢畢奠爵于薦西取肺
祭齊乃卒爵此謂其飲居右此皆以正獻言疏
舍正獻而引一人舉爵之節于經已疏矣

羞濡魚者進尾冬右腴夏右鱠祭肺

訂義註進尾者癖之曰後鯁肉易離也乾魚進
首癖之由前理易析也右腴者氣在下腴腹下
也右鰭者氣在上鰭脊也撫大鰭謂剝魚腹也
疏此一節明進魚之禮羞濡魚者進尾濡濕也
謂善羞有濕魚也進尾者癖濕魚從後來則脇
肉易離也冬右腴者腴謂魚腹冬時陽氣下在
魚腹故右腴夏右鰭者鰭謂魚脊夏時陽氣上
在魚脊故右鰭凡陽氣所在之處肥美故進魚
使嚮右以右手取之便也此濡魚進尾乾魚進
首及右腴右鰭之屬皆謂尋常燕食所進魚體

非祭祀及饗食正禮也若祭祀魚在于俎皆縮
載俎既橫設魚則隨俎而從于人為橫無進首
進尾之理故少牢魚用鮓而俎縮載其主人正
饗亦然公食大夫禮魚七縮俎是也正祭魚既
縮載少牢主人獻俎佐食三魚一橫之彼是正
祭魚橫者以魚與牲體共俎故特橫之殊于牲
體也若天子諸侯繹祭及卿大夫備尸魚則橫
載之于俎俎在人前面橫魚則于人為從得有
進首尾也故有司徹云尸俎五魚橫載之侑主
人皆一魚亦橫載之彼註云橫載之者異于牲

體如鄭此言正祭之時牲體橫而魚縮載備尸
之時牲體縮而魚橫載之故云橫載之者異于
牲體也正祭則右首進腍故少牢魚右首進腍
變于生人若生人右首進鰭故公食大夫云寢
右註云右首也寢右進鰭也乾魚近腍多首鯁
案特牲少牢魚皆有十五鄭云從陰類昏禮魚
有十四減一從偶數士喪禮大飮及士虞禮及
公食禮魚皆七其天子諸侯魚數未聞祭膳者
膳謂剝魚腹下為大臠此處肥美故食魚則剝
取以祭先也

凡齊執之以右居之于左

齊才細反

訂義註齊謂食羹醬飲有齊和者也居于左手之上右手執而正之由便也疏此一經明齊和之宜凡齊者謂以鹽梅齊和之法執之以右者謂執此鹽梅以右手居之于左者謂居處羹食于左手之上以右手所執鹽梅謂和正之于事便也

贊幣自左詔辭自右

訂義註自由也謂為居受幣為居出命也立者尊右也疏此一經論贊幣贊辭之異贊助也謂

為君受幣之時由君左詔辭自右者詔辭謂為君傳辭也君辭貴重若傳與人時則由君之右

酌尸之僕如居之僕其在車則左執轡右受爵祭左
右執范乃飲執燭美反范音犯

訂義註如君僕者當其為尸則尊周禮大御祭
而軹祭軹乃飲軹與軹于車同謂軹頭也軹謂
軹前也右軹周礼大取祭而軹祭軹此云祭左
一故云軹與軹于車同謂軹頭謂車小頭也此
云范大御云而字是一聲同字異故云聲同謂
式前之範與此范俱是式前也但式前之軹
旁者凡或作範字雖作範字聲同而字異即
大儀

卽風濟而不濡執亦車旁凡與此同也較疏此
未之執亦車旁若凡此經左右執是也
一節明為尸之僕祖道祭較之宜酌尸之僕者
僕為尸御車之人將欲祭較酌酒與尸之僕今
為較祭如酌酒與君之僕以其為尸則尊之似
君也其在車則左執轡右受爵者尸僕受酒法
也其在車謂僕在車中時也僕既所至尸車故
于車執轡而受爵也尸位左左僕立于右故左
執轡右受爵祭酒也君僕亦然祭左右執范者
執謂較未范謂式前僕受爵將飲則祭酒于車
左右執及前范也所以祭者為其神助已不使

傾危故也乃飲者祭畢乃自飲也

疑義疏其車徹亦謂之軌亦車旁著凡則考工
記經涂九軌是與此字同而事異也

廷華案車徹迹車旁著凡矩齔切音完與著凡
者不同疏悞

凡羞有俎者則於俎內祭君子不食困腴小子走而
不趨舉爵則坐祭立飲凡洗必盥牛羊之肺離而不
提心凡羞有濟者不以齊為君子擇葱薤則絕其本
末羞首者進囀祭耳

困同泰清起反
及為於偽反

訂義註俎內者俎于人為橫不得祭于間也周

禮祭謂犬豕之屬食米穀者也腍有似人穢小
子弟子也卑不得與賓介具脩禮容也盥者先
盥乃洗爵先自潔也盥有不洗也提猶絕也到
雖之不絕中央少許使易絕以祭耳齊和也絕
本末者為有姜乾祭耳者耳出見也疏此一節
廣明祭俎及羞膳之事凡羞有俎者則于俎內
祭者若羞在豆則祭于豆間若羞在俎則于俎
內而祭俎在人前橫設俎內近人之處以俎于
人為橫不得祭于俎間也俎橫在人前故不得
祭于俎外及兩俎間也國豬犬也腍豬犬腸也

言豬犬亦食米穀其腹與人相似故君子俱食
他處辟其耽謂腸胃也故芻闕一也趨徐趨也
弟子不得與賓主參預禮但給役使故宜驅走
不得趨翔為容也舉爵則坐祭立飲者謂弟子
若得酒舉爵時則先坐祭祭竟而立飲之也洗
洗爵也盥洗手也凡飲酒必洗爵洗爵必宜先
洗手也牛羊之肺離而不提心謂祭肺法也提
猶法也取肺剉離之不絕心心謂肺中央火許
耳凡羞有渚者不以齊庖云渚汁也若羞有汁
則有鹽梅齊和若食者更調和之則嫌薄主人

味故不以齊也。賀瑒云：凡濟皆謂大羹大羹不和也。本根也。葱薤根不淨。未姜乾。故擇者必絕其二處。為君子如此。則非君子不然。羞首者進。喙祭耳。羞亦膳羞也。首頭也。喙口也。若膳羞有牲頭者。則進口以饗尊者。尊者若祭先取牲耳。祭之也。

尊者以酌者之左為上尊。尊壺者。面其鼻飲酒者。機者。照者有折俎。不坐。木屐。爵不啻羞。

訂義：註尊者設尊者也。酌者鄉尊其左。則右尊也。面鼻者。鼻在面中。言鄉人也不坐者。折俎尊。

徹之乃坐也。已沐飲曰饗。酌始冠曰醺。步行也。
疏庚云燕禮司官尊于東楹之西兩方壺左元酒南上注玉藻云唯君而尊元酒在南順君之面也。下云公席昨階上西鄉下又云執事者升自西階立于尊南北面東上案左元酒南上之
言是設尊者東鄉酌者西鄉疏此一節論設尊及折俎行爵嘗羞之儀。人居陳尊在東楹之西于南北列之。設尊之人在尊西嚮東以右為上則尊以南為上也。酌謂酌酒人也。酌的人在尊東西面以左為上亦上南也。二人俱以南為上也。故云以酌者之左為上尊尊壺者面其鼻者尊與壺悉有面面有鼻鼻宜嚮于尊者故言面其

鼻也飲酒者下文機者醺者總以飲酒目之機者謂沐而飲酒醺者謂冠而飲酒者有折俎不坐者折謂折骨體于俎者機醺者若折俎為尊機醺小事為早故不得坐也折俎所以為尊者賀云折俎則敬饌尊故冠禮庶子冠于房戶之前而冠者受醺不敢坐及機者並不敢坐也案鄉飲酒燕禮有折俎者皆不坐獨云機者醺者不坐者以機者醺者無酒俎之時則得坐嫌有折俎亦坐故特明之云有折俎不坐未嘗爵不嘗羞者羞彼羞也敬羞本為酒設若爵未行而

先嘗羞是貪食矣故不先爵嘗之也此謂無算
爵之時羞庶羞行爵之後始嘗之故鄉飲酒鄉
射燕禮大射獻後乃薦賓皆先祭脯醢膾肺乃
飲卒爵

牛與羊魚之腥羴而切之為膾麋鹿為菹野豕為軒
皆羴而不切膚為辟雞兔為宛脾皆羴而切之切葱
若薤實之醢以柔之其有折俎者取祭及之不生燔
亦如之尸則坐

訂義註羴之言臊也先藿葉切之復報細切之
則成膾軒辟雞宛脾皆菹類也其作之狀以醢

與葷菜菹之殺肉及腥氣也不坐亦為尺柄之類也燔炙也鄉射曰賓奠爵于薦西與取肺坐絕絕祭左手濟之興加于俎坐悅手尸坐尸尊也大牢饋食禮曰尸左就爵右魚取肺肝孺于俎盥振祭濟之加于菹豆疏引大牢饋食禮者鄉射禮云賓奠爵于薦西與取肺云興則立也此引大牢禮云賓奠爵于薦西與取肺云興則立也故知尸則坐菹此一節明膾及盞菹簋細之豆或菹之豆也異爵而切之者謂先膳為大饗而後細切之為膾也麋鹿為菹以下已于內則具釋之折俎一節明祭俎之儀折俎謂折骨于俎俎既有足柄

尺之類故就俎取所祭肺立而取之升席坐祭
祭訖反此所祭之物加之于俎皆立而為之故
云取祭反之不坐唯祭時坐耳燔亦如之者燔
謂燔肉雖非折骨其肉在俎其取及祭反時皆
亦不坐故云燔亦如之尸則坐者前云不坐者
是賓客耳若為尸尸尊雖折俎初取祭反之皆
坐也

衣服在躬而不知其名為罔

訂義註罔猶罔罔無知貌疏衣服文章所以表
人之德亦勸人慕德若若之而不識知其名義

者則是罔罔無知之人也

其未有燭而後至者則以在者告道瞽亦然凡飲酒為獻主者執燭抱炰容作而辭然後以授人執燭不讓不辭不歌

訂義註為其不見意欲知之也師冕見及階子曰階也及席子曰席也皆坐子告之曰某在斯某在斯執燭為宵言也主人親執燭敬賓示不倦也言獻主人容君使宰夫也未燕曰炰不讓者以燭繼晷禮殺疏此一節明有燭無燭之儀為主入法也在者謂已在于坐者若日已闇而

坐中木有燭繼新有人後來至者則主人以在
坐中者而告之云某人在此某人在此使後來
人知之也道替亦然者替無日恒如日闇故亦
道之亦如無燭時也凡飲酒為獻主者獻主主
人也謂為飲酒主人法也凡飲酒主人自獻賓
若尊卑不敵則使宰夫化主人以獻賓故為獻
主也執燭者謂夜闇執燭抱炷者炷謂木燕之
炬既欲番客又取木然之炬抱之也客作而辭
者作起也客既見主人執燭抱炷故自起辭之
也然後以授人者主人見客起辭故徙辭而上

有言

洗盥執食飲者勿氣有問焉則辟呬而對

以燭乃授已執燭之人執燭不讓不辭不歌者
執燭夜時也禮賓主有讓及更相辭謝又各歌
詩相頌今既夜莫所以敬十三事案言辭又言
不辭者蓋辭
者辭獻主之執燭不讓不
辭者則凡行礼之節也
訂義註示不敢飲臭也口旁曰呬疏洗謂與尊
長洗足也盥謂與尊長洗手也若為尊長洗盥
及執尊長飲食則勿氣謂不鼻臭尊長飲食也
有問焉則辟呬而對者呬口旁也當為尊者洗
盥及執飲食之時而尊者有事問已已則辟口

而對不使口氣及尊者

為人祭曰致福為已祭而致膳于君子曰膳祔練曰告凡膳告於居于主人展之以授使者於阼階之南南面再拜稽首送反命主人又再拜稽首其禮大牢則以牛左肩臂臠折九箇少牢則以羊左肩七箇植豕則以豕左肩五箇

訂義註致福者致祭祀之餘于君子攝主言致福申其辭也自祭言膳讓也祔練言告不敢以為福膳也展者具也折斷分之也皆用左者右以祭也羊豕不言臂臠因牛序之可知疏此一

節明致福及膳于君子及所膳牲體之數謂爲人攝祭而致飲酢于君子也其致酢將命之辭則曰致福也謂致彼祭祀之福于君子也爲已祭而致膳于君子曰膳者若已自祭而致酢于君子則不敢云福而言致膳膳善也言致善味耳祔練曰告者若已祔祥而致酢又不敢云福膳但云告言以祭祔告君子使知已祔祥而已故顏回之喪饋孔子祥肉是也凡膳告于君子者結上也膳自祭及告祥也主人展之以授使者于阼階之南南面再拜稽首送者謂初遣使

膳告君子之去時也敬君子故主人自省視飲
食多少縮其而酢階南稽首拜送使者反命主
人又再拜稽首者使從君子處還反則主人亦
再拜稽首受命也亦當在阼階南南面也曲禮
云使者反必下堂而受命是也其禮大牢則以
牛左肩臂臠折九箇者明所膳數也若將大牢
祭者則用牛膳也周人性體尚右右邊以祭所
以獻左也周貴肩故用左肩也九個者取肩自
上斷折之至蹄為九段以獻之也臂臠謂肩脚
也大牢則以羊左肩七個者若禮得大牢者則

膳羊左肩折為七個不云臂臠從上可知也然並用上牲不并脔餽故大半者唯牛少牢者惟羊也惟豕則以豕左肩五個者若祭惟特豕亦用豕左肩用五個為膳也

國家靡欸則車不雕幾甲不組滕食器不刻鏤君子不履絲屨馬不常秣

訂義註靡欸賦稅並也雖畫也幾附饗為沂鄂也組滕以組飾之及紵帶也詩云公徒三萬貝帛朱紱亦鏤飾也疏云云以組飾者謂以組飾甲中及為甲帶言紵帶也云云及紵帶也者謂以組連故秦詩云竹閉緹縢縢註云縢約也引詩公徒三名

萬者魯頌閟宮文升之者貝冑謂以貝飾冑朱
綬綴之也謂以朱繩綴甲故鄭云亦鎧飾也
疏此一節明國家靡敝減省之禮靡謂侈靡敝
謂凋敝由治造作侈靡賦稅煩急則物凋敝則
改往修來或可靡為糜謂財物糜散凋敝古字
通用車不雕幾者幾謂沂郛不雕畫漆飾以為
沂郛甲不組縢者縢謂紵帶其甲不用組以為
飾及紵帶君子不履絲屨者絲屨謂絢纁純之
屬不以絲飾之故云不履絲屨 案車不雕幾
當兼已成未成者言謂未成者同廢而不作已
成者亦置而不用也